

PAPAKILO [Hawaiian Newspapers Collection](#) [Menu](#) ▾[Translate](#)  
www.zebo.org[Ka Nupepa Kuokoa](#) / [5 March 1887](#) / [Ka Hon. J. A. Nahaku.](#)Ka Nupepa Kuokoa, Volume XXVI, Number 10, 5 March 1887 —  
Ka Hon. J. A. Nahaku. [ARTICLE][Back](#)**Ka Hon. J. A. Nahaku.**

Ma ke kakahiaka poniponi o ka Poa-ha nei, la 24 o keia mahina i hala iho nei, ma Honuakaha, Honolulu nei, ua oluolu i ka Makua Mana Loa, ke kaili ana aku i ke aho hope loa o ko ma'ou papa i aloha nui ia, a waiho aku la no ka moe kau a hooilo no kona home hope loa ma Makiki. A ua waiho iho la mahope nei he mau waimaka e paiau-ma aku ana ma keia aoao o ka lua kupapau. A manuli no hoi o ka hoomailo loihi ana o ka mai iaia no na makahiki loihi ehiku a hala wale aku la.

Ua hanau ia o Hon. John Nahaku ma Mahukona Kohala Hawaii ma ka la 18 o Sepatemaba, o ka 1830, mai ka puhaka mai o Kaioikalani (w) me Namaka (k) a hiki i keia hala ana aku la, ua like me 56 makahiki, 5 malama a me 6 la.

Ua hoonaaauo ia o J. A. Nahaku ma na kula apana o Kohala, a ma ka makahiki 1850, ua komo i ke kula wae a Rev. E. Bond, ma Iole, ma ka makahiki 1852 komo i ke kula hanai o Hilo, a ma ka makahiki 1854 komo i ke kula nui o Lahainaluna malalo o ka noho kumu nui ana o W. P. Alexander a ma ka makahiki 1857 puka mai Lahainaluna mai, a hoi no Kaanapali mare i ka wahine oia o Mrs. Ruth Keliiokehikili, a malaila i noho kula ai ma ka makahiki 1860, hookohu ia i hope Makai Nui no Kaanapali. I ka makahiki 1864 kohoia Elele no ka Aha.

olelo ku i ka wa. A ma ka makahiki 1866 koho ia i Lunamakaaianana no ka apana o Kaanapali, ma ka M. H. 1868 koho hou ia, M. H. 1870 koho ia i Luna helu no ka apana o Molokai me Lanai. Ma ka M. H. 1875 koho ia i Lunahelu no ka apana o Lahaina, ma ka M. H. 1876 koho ia i Lunamakaaianana no ka apana o Kaanapali, ma ia makahiki no koho ia i Luna Auhau no ka apana o Makawao.

Noho hou no i Luna Auhau no Makawao i ka M. H. 1857—75—2 ma ka M. H. 1879 koho ia i Luna Auhau no ka apana o Molokai me Lanai.

Ma ka M. H. 1880 koho hou ia i Lunamakaaianana no ka apana Kaanapali, oia kona kau hope loa i ke kau Ahaoieho.

Ma ka M. H. 1881 koho ia i hope Lunakanawai no ka apana o Lahaina

he hope no D. Kamaiopili.

Ma ka M. H. 1882 koho ia i kakau-olelo no ka papa mookuauhau o na Iiihanau o Hawaii nei, a ma ia hana ia a hele wale aku ia.

Ma ka 1883 koho ia i Luna Auhau no ka apana o Lahaina, oia kona makahiki hope i lawelawe ai i ka oihana aupuni.

No ka Oihana Loio, ua hoomaka kona lawelawe ana i Loio piha mai ka M. H. 1866 mai, a hiki i keia ia i hai ia ae la maluna, ua waiho mai la oia i na hana a pau o keia ola ana.

He kanaka o J. A. Nahaku i hilinai nui ia e na hoa'loha, a he kanaka hoi i makee nui ia e ko kakou Moi i aloha nui ia, ua noho hoa'loha ia e ia na mea a pan o Maui a puni.

He makua aloha, he lokomaikai, he heahea he hookipa, he ike mai ke nui a ka lili. aole no dahi e poina ana ko-

na mau hoa'loha iaia

He makua pauaho ole ia makou na keiki, me na moopuna, a pela no i ka ohana a pau, aole no hoti ia i pauaho mai ia makou, oia ka nawaliwali e hoo-iao mau ana i kona kino, a pela no i hoomanawanui ai i na poino o keia ola ana a hala wale aku ia.

A ke nonoi ae nei makou i na mana lani, e hoomama mai oe i ko makou naau luuluu. "E hoonani ia ke Akua ma na lani kiekie, he malu ma ka honua, he aloha no i kanaka. Amene."

Jno. K. NAHAKU. Jr.

This article has been automatically clipped from the Ka Nupepa Kuokoa 5 March 1887, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).